

MERBAU RIANG
Buff-vented Bulbul

FAMILI: Pycnonotidae
NAMA SAINTIFIK: *Iole olivacea*

CIRI-CIRI

Bagi burung dewasa sub-spesies *I.o.cryptus*, ia agak sukar untun dibezakan dengan Merbah Mata Kelabu (*I.propinqua*) tetapi mempunyai bahagian sayap yang berwarna lebih coklat (kurang berwarna hijau buah zaitun), bahagian bawah badan yang lebih kelabu dan pucat (kurang comotan berwarna kuning), dan bahagian bawah bulu penutup ekor yang berwarna di antara oren kekuningan ke oren kuning kecoklatan pucat. Bahagian paruh pula adalah sedikit panjang dan kelihatan lebih berat. Panjang keseluruhan spesies ini adalah di antara 20-20.5 sm.

MAKANAN

Ia menggemari buah-buahan dari jenis beri dan lain-lain buah serta serangga, termasuk nektar dan pucuk muda berbunga.

HABITAT

Spesies ini mendiami kawasan hutan tanah dipterokap dan hutan sekunder hingga ke ketinggian di antara 825 m dari aras laut.

BUNYI

Ia mengeluarkan bunyi seakan muzik *er-whit* atau *wher-it* dengan nota kedua berbunyi lebih metalik, menyerupai bunyi Merbah Rimba (*I.virescens*) tetapi lebih halus, bernada tinggi dan kurang bunyi dari rongga hidung berbanding Merbah Mata Kelabu (*I.propinqua*). Ia juga mengeluarkan bunyi bergetar *whirr*.

PEMBIAKAN

Musim membiak adalah dari bulan Januari hingga Jun setiap tahun dengan burung betina menghasilkan 2 biji telur bagi setiap eraman. Lain-lain maklumat pembiakan adalah kurang lengkap.

STATUS

IUCN, hampir terancam.